

沅
湘
耆
舊
集

沅湘耆舊集卷第二百八十九

新化鄧顯鶴湘臯編輯

長沙毛國翰青垣校訂

歐秀松 三十六首

秀松瀏陽人同邑周亮齋室年二十八而寡著有
梅花閣繡餘詩草繡餘詩風骨高迴格調老到求
之閨閣實罕其匹女士詩鈔採至四十餘首之多
或云卷中鼠盜肉牧牛謠諸篇多刺取近時名流
傳誦之作遂疑他詩皆僞當從屏置今特舉其灼
然可指證者汰之餘仍過存佳詩難得得之閨秀
更難真贋且勿計也

彈琴

斗室隔塵坐久如空林枯桐發幽響拂指涼愔愔一彈
秋月白再彈秋煙沈夜深萬籟寂孤鶴鳴松陰淵明本無
絃所尙不在音成連鼓天風海上寄遐心高山幽且阻流
水簪以深澹懷杳何際白雲無古今

庭竹

庭竹響蕭颺似與幽人語翠袖倚暮寒涼風生栩栩不見
鳳皇來粉籜落如雨擬撥七條絃一寫湘妃譜

秋曉

秋蟬鳴清宵聲聲出幽閣俄聞風刮簷颺颺急點作曉起
寒簾看始知樹隕籜仰見霜林高上有巢枝鵲鵲噪一何

喜鴉鳴一何惡孤懷鬱無慘况乃逢搖落

刈草

春草初萌時萋萋多意態不忍踐其根生機恣蔓對倏忽
亂階前浸淫及庭內譬如跋扈臣權重勢乃大莎臺嫌繁
蕪辭砌憎荒蕪竊據當塗高舉足動輒礙萬物忌過盛天
道曾不貸於焉命園丁燒蕪盡斬艾長鑱爲之鋤短鎌爲
之刈聚族一磯旃無俾遺種再須臾豁雙眸白地光明在
盤面露高低髻頭分向背畱此好花叢鮮妍靜相對始知
天地中良莠非等輩安劉呂當誅進遽瑕必退由來蔓難
圖毋取姑息愛

秋風吟

秋雲蔽空黑不見秋月高西風刮地起萬竅皆怒號宛如
泛孤舟危坐驚波濤春風何杳藹秋風何刁騷人生亦何
常枯苑隨所遭長歌望河漢聊以解鬱陶

太湖石 并序

太湖石池中石山也峯巒起伏嵌空玲瓏雨後煙雲蔚
然對之迴超凡境因以詩記

太湖嵌根藏洞宮槎枒石出雲根中波濤澎湃漱且齧歲
久穿竅深玲瓏有時雨後噴雲起雲氣石氣相交融疑有
老蛟伏其內腥涎吐出煙溟濛誰與刷取小有穴袖中猶
帶湖雲紅移置空庭作清供疏窗謾謾生幽風憶昔一品
石下拜傳南宮壺中九華山見賞蘇翁當年此石若並

世仇池靈壁將毋同我無叱石法又無鍊石功與石坐相
對但見青徃穢安得巨手香山老作記爲紀奇章公

繙經圖

西來數卷白馬馱流傳震且羣摩抄大千世界知伽陀覺
路大啟無歧譌靈山西去高嵯峨中有丈室如鳥窠金蓮
花開紅嵯嵯龍樹撐出珊瑚柯青松翠竹示見俄香聞鼻
觀旃檀和涅槃海上慈雲拖般若法雨傾滂沱八功德水
流成波但有化人無天魔嗟爾衆生沙恆河百千萬億劫
則那牛車莫渡迷人多乃有說法娑婆訶高談貝葉頭常
科天花亂落飛曼陀禪鐙紅照祇林阿法輪旋轉如風梭
我擬說戒從優婆現善女身參三摩聲色香味俱消磨蒲

有慧業惟吟哦楊枝一滴飛雨過安知結習終如何拈花
微笑問彌陀此身可許登波羅低眉默坐壁空呵但見佛
頂堆青螺法界日月徒墜此披圖聊爲擊鉢歌

對雨效白香山體

浙瀝孤篷響停篙古岸邊添來雲影重點破水紋圓白雁
棲沙溼紅鱗出網鮮此時宜對雨最好是江船

不住林鳩噪茅檐滴水斜清溪多放鴨壞壁半粘蝸冒溼
親扶竹防檄早焙茶此時宜對雨最好是山家

葉葉芭蕉颭蕭蕭斗豎涼挑琴絃帶潤洗硯墨流香竹徑
通泉水松花落石牀此時宜對雨如是書堂

寂寂重門掩簾垂玉絲低彈棋深院北撼笛小樓西柳外

馬穿綫花閒燕啄泥此時宜對雨最好是香閨

老將

老將悲衰落幽燕氣尙雄
鷗膏長拂劍猿臂已傷弓
世義嫖姚少人知願收忠騎
驢湖上過時照箭瘢

老馬

老馬悲顏憊孤鳴聲帶秋
西風雙掠耳落日一回頭
病骨淩霜瘦雄心伏櫪羞從
來皮相者轅下乘驂騑

瓦松

莫笑依牆宇孤根立處牢
雪霜成我老頭地出人高
葉密魚鱗混枝輕鶴夢勞
瓦全應已幸敢復作波濤

沈石田秋林晚眺圖

秋色滿平林蕭蕭萬壑陰不知山氣晚但覺樹痕深此境
渺塵慮有人生道心響泉亭下落何用更鳴琴

雨後登袖月樓

一碧天如水晴雲片片紅草痕深檻外山影落窗中樹暗
連朝雨花殘昨夜風春光畱不住惆悵畫樓東

夜坐

一霎西風又夕陽半檠燈火續餘光蛩聲就露移莎徑月
色隨人到草堂四壁寂寥厨語少誰家哀怨笛聲長孤懷
自合清秋夜坐對疏星納晚涼

夏日卽事

滿院花殘新綠稠荷錢箇箇帖波浮鳬兒傍母眠幽渚燕

子將雛語書樓北牖風清堪避暑
南柯夢好似逢秋不須更羨招涼館此景眞宜對白頭

曉起

窗外鳥聲喧披帷天已曉細雨溼苔階一夜生春草

雨後

幾日黃梅雨朝來霽色浮遠山經洗出青到畫眉樓

古意

春草何萋萋蕙蘭凋無色燕子忽飛來猶見不相識

寒鑪

老瓦盆三尺添薪伴夜深憑他風雪冷總抱不灰心

寒硯

一片端溪石稜稜紫氣凝自從詩思苦磨出盡寒冰

卽景

叢竹蕭蕭弄雨聲蒲船滄處夜潮生倚窗不見潯陽渡惟有漁燈隔岸明

片帆遙渡楚江秋隔浦湘雲翠欲流三十六灣煙雨裏有人樓上認歸舟

湖雲江樹綠如藍澹澹晴煙半是嵐轉過平隄通小市酒旗飄出畫橋南

八月平湖水不波清光遙借月明多好從雪色雲盤裏認取君山一點螺

題畫

溪外樓臺擁翠霞千章綠樹蔭窗紗曲闌干畔珠簾卷人
立東風數落花

金銀花

點染薔叢白寶欄儷黃飛白萬枝攢生平不識金銀氣親
到花前仔細看

題蕉葉

半畝荒池草色橫南風不見芰荷生隔窗賴有芭蕉葉未
負瀟湘夜雨聲

庭梅交春未花有作

九十韶光著意催妾桃婢柳滿花臺定知不是甘遲暮別
有清香待後來

題畫

平林深處白雲遮
苔蘚侵階十笏斜
秋道春風吹不到
門前依舊有梅花

晚泊綠楊渡

月波搖影碧鄰鄰
舟泊垂楊古渡濱
隔岸深煙聞犬吠
定知村有夜歸人

立秋偶書

水晶簾卷茜窗閒
折取幽蘭上鏡臺
何處一聲長笛起
忽隨涼雨送秋來

瓶蓮

別有蓮花界
飛身入淨瓶
開來香冉冉
插處影亭亭
錦水

平生地冰瓷鍊後形并眉俱位置湖目謝飄零鉢異圖澄
咒船非太乙星此中憑供養分外見娉婷白羽搖朱幌紅
衣映畫櫺茶煙縈冷豔香霧助芳馨守口新盟結回頭昨
夢醒有心陪謝客無語別湘靈翡翠何從覓鴛鴦未許停
自隨銀錯落長伴玉瓏玲幕府真堪託泥塗更不經圍應
同錦幃護足待金鈴妥帖烏皮几端相白石屏濂溪東閣
裏相對眼波青

白蓮

雕飾天然去盈盈一樹連祇應完淨果不屑鬪芳妍水淨
琉璃國雲開玳瑁天阿誰招幕客之子是瓊仙影耀銀河
畔香消羽扇邊薄煙添冉冉涼雨觀娟娟月下冰魂現泥

中玉骨全應須朱作幃何用翠爲鈿錦水無塵染瑤池有
夢牽繁華空綺業冷澹自前緣盡謝明粧豔彌增素質鮮
編衣來洛浦羅襪步湘川漫結洲閒佩宜參社裏禪紅蕖
休並話碧藕自相聯掩映橫塘外低徊曲檻前鴛鴦三十
六長伴白雲眠

郭素心友蘭

二十七首

友蘭字素心湘潭人雲麓大令女弟蘇州鳳丹山
室著有嘯雪山房集素心早寡依母家以居晚年
時代其子課徒授經其兄女漱玉瓊泉潤玉笙愉
皆能詩笙愉序其集稱其稚髻布裙躬親操作時
藉歌詠強自陶寫又嘗博引古賢女事反復訓勉

素心有妹名佩蘭字芳谷同

德立室亦工

詩以生抒不錄

黃節婦詩

自注節婦適張氏

乾坤有正氣鍾毓爲蘭芷卓哉稱完人安節張黃氏早歲
失所天命也柰天只搶地不欲生欲死還自止白髮堂上
親黃口膝前子一生則俱生一死則俱死可憐餘空錯何
以供修澗可憐遺呱呱何以延宗祀千鈞一髮懸狂瀾一
柱砥背也解作羹洗手奉甘旨於今巧婦炊稻梁謀十指
昔也學縫裳補拋鍼帶於今嫠婦機伴兒課經史卅年
血淚枯千秋彤管美孫子昌而熾奕葉錫繁祉奇節高其
冥食報必爾爾我爲歌徽儀名與天姥峙

窗前芙蓉花開感五妹作

去年今日芙蓉開阿妹攜詩滿袖來今年九月芙蓉落白
楊蕭蕭西風惡檢點遺編淚自揮中有尺書望姊歸黃昏
雲黑雨復雨聲聲雁唳心彌苦

秋意用西堂集中韻

秋意西來爽晴嵐澹遠空星流天漢外月淨露華中螢火
燃東壁荷衣裂晚風無端空振羽唧唧滿蒿蓬

秋聲何處起疏竹變新腔幽徑蛩吟月深林葉打窗寒砧
多激楚風鐸太衝撞不寐看詩賦忘言倒玉缸

秋色清如許蒼然接翠微日含殘雨澹風引薄雲飛雁影
澄江淨人煙古渡稀樓高堪極目坐久竟忘歸

尋梅

老幹花應著支筇上嶺顛香浮孤嶼外路認竹林邊斷片
留殘雪疏鐘破晚煙美人何處是惆悵夕陽天

芳谷三妹移居賦贈

勝境新開闢鸞環一徑深捲簾邀月影埽石坐花陰路隔
東西巷情牽姊妹心回思紉閣畔拈韻共聯吟

次涓秀妹寄懷原韻

雨過綠楊洲清光上小樓病多離思苦春老落花稠每憶
裁新句無端感舊遊何當重翦燭相對話閒愁

與大姊夜話

剔盡銀鐙漏欲殘東花簾底話團圓三年風雨池塘夢一

夕悲歡聚會難坐對各驚衰鬢改愁多翻耐酒杯寬共憐
覓句嬌兒女同作當年詠絮看

壓箱詞爲笙愉女姪于歸星沙作

香車寶馬太匆匆絮語叮嚀繡閣中洗手作羹新婦職齊
眉舉案古媛風寅窗掠鬢釵團翠午夜敲詩燭刻紅老我
諸姑才思減壓廂詞愧句難工

重陽前一日作

節序頻催不自知小園又是桂凋時楓林葉落經霜早竹
院牆高得月遲人意漸隨秋意澹愁魔偏與病魔期明朝
懶赴登臨約只恐黃花笑我癡

輓黃節母

瑤池冰雪作心肝回首嬌幃影尙寒節烈久成千古憾
慈難得一身完名傳邑乘標松竹譜入詞壇播芷蘭我亦
與君同命蹇拈豪先已淚闌干

哭雲麓兄作

兄妹相親棣萼連荆花慘絕一枝捐長安遠宦四千里

注自

兄知陝西湘水同居六十年

自注兄妹同居六十餘載

詠絮昔曾爭險

韻拈豪今忽哭重泉傷心最是池塘草夢醒依然綠可憐

次蜀中女史臨紅避寇題壁原韻

離家幾見月虧盈夢裏難忘故國情離思正同原上草一
番雨過一番生

深閨幾慣理行裝錯怪牽牛不服箱卻羨木蘭真有膽笑

沙洲春草金
卷第一
繫帶上繫魚腸

望裏吳江欲斷魂
蜀山迢遞蜀雲昏
窮途幾點胭脂淚
滲入潮頭作浪痕

春日

簾捲空庭風日清
杏雲靄靄柳煙輕
黃鸝也解新晴好
隔院時添三兩聲

寄羅氏姪婦

遠隨夫壻賦驅馳
轉憶匆匆話別時
千里更能修婦道
官厨親爲奉甘飴

古來名勝說長安
天府雄圖擁翠巒
記取香車遊覽處
飽收煙景寄予看

明妃

桃花馬上慘紅顏
白草黃沙萬仞山
莫抱琵琶回首望
寒雲深閉玉門關

綠珠

金谷繁華逐水流
綠珠名字重千秋
落花不解佳人憾
猶向園中學墜樓

西施

義士亡吳衣錦還
闔閭城外冷蒼煙
屬鏤不得君王賜
湖上年年唱采蓮

花藥夫人

城頭忍見豎降旗
憾煞貔貅解甲時
回首湖山非故國
那

能重唱舊宮詞

寄大姊梅花

竹籬茅舍逢春早
春到寒林我憶人
翻笑朱門風信緩
聊分牆角一枝春

題毛姑屋中樓便面

兩美相依姑射仙
有人遙睇海雲邊
須知澤畔驅羊日
霧鬢風鬟更可憐

柳毅傳書遂夙因
張生煮海術尤神
丹青不畫團圓日
孤負樓頭兩玉人

口號

三月何曾覺晝長
飼雛未了種田忙
嬌兒不識娘心苦
猶

白牽衣索果嘗

何氏

四日

何氏湘潭人同縣永州訓導唐芳樹妻

登空靈岸

趙路篙師急偷閒一泊舟笑聲天半落人影水中浮巖遂
藏燈火雲閒吐石樓臨風添悵望此地少悵遊

莫春

不盡瀟瀟雨
長薜蘿溪添流水急門掩落花多刺繡
慵拈綫評詩
畫岬
春盡處陌上老農歌

寄外

雨灑垂楊綠滿隄絲絲遮斷板橋西
高樓不效凝粧望輪

沈湘耆舊集卷第一百八十九

三

與流鶯自在呢

底事蕭條念索居
離魂常自夢牽裾
可憐一片中庭月
荇藻交橫滿院虛

沈湘耆舊集卷第一百八十九終

五

沅湘耆舊集卷第一百九十

新化

半編輯

長沙毛氏

坦校訂

羅麗生金淑

六十九首

金淑字麗生善化人適湘陰拔貢鄒藻子香數載卒有碧芙蓉館遺草麗生性端慧多能好吟詠尤善丹青工篆刻旁及五行日者家言無不涉獵子香家固貧不能蓄婢媼麗生安之終日操作不廢吟哦絃索嘗過其家紡軋織筐旁皆詩筒煤煙塵跡閒置稿乃歎麗生直賢媛非僅才女也其卒也子香哀之刻其遺集而吾友沈栗仲序其端

毛青垣志其墓余復爲之選其詩入是集麗生亦
可以無憾矣

古意

林竹挺奇姿亭亭具堅節譬彼
子質扶幹殊卓絕志欲
干雲霄濃陰散炎熱風來鸞鳳
賈行已結太息天將
寒孤石倚修潔

雜詠

昔有木蘭女軍中據雕鞍東征班大姑覽古塵沙
多英雄史冊永不刊我生長閨閣足未出庭端
測天高坐井觀江山未經歷那識乾坤寬何當
帶與我冠

平生無嗜好所好畫與詩花草吟瑣屑雲樹寫離披終朝
苦形志樂此不覺疲誰意古堂奧深邃未許窺佳句偶然
得古人先我爲涉筆自成趣古人尤神奇憾生古人後敢
冀千秋知

深閨廿六年嗔笑依阿母愛之如掌珠把玩不釋手自賦
于歸後生女復何有薄潸每歸甯老淚拋白首況我家苦
貧大小六七口母食無旨甘無衣或露肘撫此釵裙身相
對呼負負安得慰心期稍報親恩厚

夏夜納涼

池畔生薄涼荷風吹晚暮宿鳥時一哢深樹滴清露萬里
無片雲青天如紙素忽忽夜已深月照松閒路

酷暑偶書

炎天如坐甌靜或生微涼晨起向窗前臨鏡一理粧蓬髮
未遑掠汗欲沾羅裳十指暫停課避暑來北堂琴書悟新
解消此夏日長可畏正當午執扇風徒揚赤雲壓林樹火
繳燒蓮房夕陽望已西炎威漸可忘蚊虻聲殷雷入耳滋
傍徨何當喧池荷頃刻雨霏霧催詩匪云樂庶以惠窮甿

憶落梅曲

百花未開君先開冰魂雪影衝寒來百花盡落君亦落茅
舍竹籬風雨惡風雨颯拉摧瓊枝步虛環珮歸瑤池墮仙
去後無消息黃昏明月空相思相思脈脈何時了羅浮間
訊遲青鳥夢裏尋君豈知一聲玉笛春心老春心老愁

春帘飄處。清明十里煙絲散。曉晴窗草隨風吹綠去。鄰娃邀伴踏青行。花描新樣人爭乞。詩少仙心句。屢更理罷殘書。思靜坐半空遙送紙鴛聲。

偶吟

年來心事埽猶難。暫得偷閒興未闌。春日半簾宜詠絮。東風小院獨憑欄。句緣偶得偏多忘。書爲重緝亦耐看。短几臨窗償畫債。澹香和墨寫幽蘭。

論尚示外

裁雲鏤月寸箋中。詩境全憑慧業通。句貴性靈還忌滑。派無唐宋祇求工。秋潭鏡影清如許。美女簪花樣豈同。解識古人溫厚旨。百川離合盡歸東。

落花

何處三生續舊緣
飄零振觸別情牽
夕陽芳草飛蝴蝶
古木空山叫杜鵑
波墜湘裙春不管
香銷漢殿月誰憐
倚闌晴祝司花女
可許瓊枝再鬪妍

寄外

臘梅香裏送君時
別淚偷拋祇自知
千里鶯花催遠別
半窗風雨助相思
青雲有路揚帆穩
畫閣關心刺繡遲
卻喜湘波傳尺鯉
歲除盼到一緘詩

春來閒倚小欄東
乍暖輕寒料峭風
芳草芊絲連浦綠
桃花爛漫映簾紅
離懷不減秋三織
吟興消磨句未工
頻夜夢君攜手處
幾回話別竟何功

和外元韻御寄

記得君行雨雪餘一囊琴劍一囊書
江雲度驚寒雁萬里風乘跋浪魚
玉笛聲催殘漏冷金台夢隔夜窗虛
平安盼得南來信閨裏閒愁頃刻除

孤鐙我亦可憐宵客館何須怨寂寥
寒士生涯安分好功名庸福讀書消價
增知己應懷璞事有因緣漫撫苗

有長安

投一語規君君記取狂來貧賤亦防驕

自注來詩

刺無門
中有向
孤為夢

作狂奴態
盡除之句

秒

蕭瑟西風隔院吹蘭閨鎖日捲簾遲
興緣愁減詩難續瘦到人憐病強支
木葉半堦和露墮夢魂千里倩鐙知
愁癡

小叔渾無賴手筴頻催畫菊枝

外歸

四千里外遠歸人贏得庭生此日春乍聽聲音疑夢寐旋
看面目尙風塵蕭條行李存孤劍檢點盤飧累老親別久
相逢轉無語畫欄斜倚獨傷神

送外之晃州

月明涼影漾簾旌琴劍蕭條送客行驪唱敢拋兒女淚烏
私知係遠人情乍來寒暑宜珍重此去雲山遞送迎聞說
晃西風景好吟懷應較故鄉清

和笑甥貞女清風店題壁元韻

千里家遙空有憾百年緣續果何時直教死日如生日誰

道男兒勝女兒題壁暗拋泉下淚結藕枉繫幙中絲清風
終古名長在敢爲君吟薄命詩

鐙

短檠四壁照吟身竟夕深閨共爾親金粟排枝花結蕊蘭
膏吐燄月爲隣淒風冷雨愁中伴孤館寒窗夢裏人漏滴
銅壺涼似水夜闌光暗手挑頻

鏡

寶匣塵祛不用磨圓光開處湛秋波雲堆斜髻來青女月
埽修眉到素娥爾我相隨憐影隔悲歡長共感情多有人
病人慵梳洗欲展菱花奈瘦何

題畫

日落生暝煙古寺藏林杪晚鐘時一聲數峯青未了

燕

花穿曲徑風泥啄春郊雨何用睇遲回朱門非舊主

雁

秋風木葉飛夜渡湘江濶多少未歸人音書休忘卻

蛩

四壁聲淒清如向西風語秋憾訴年年西風最憐汝

占意

簾閒燕子飛簾外東風老春去望春歸落紅君莫埽

秋夜獨坐

漏靜人聲寂爐香細細添半窗涼月影秋意逼重簾

題畫

山色淨如洗
溪流清絕塵
夕陽橋畔路
誰是過來人

題抱琴訪友圖

紅樹秋山夕
照橫囊琴到處
一肩輕奚童也
解知音少把
向白雲深處行

歸舟

扁舟縹渺白雲閒
遠浦孤帆破浪還
昨夜鄰人有歸信
秋風斜日過君山

題畫

翠嶺層巒斷復連
半江楊柳半江煙
夕陽古岸無人到
閒煞前溪渡口船

鎮日

鎮日幽閨繡課餘金風涼拂紫羅裾
彈簾寶鴨香微篆靜讀班姑一卷書

昭君

翠輦青驄出漢宮琵琶一曲怨東風
生成命是紅顏薄莫爲黃金惱畫工

和我誰策美人勲匹馬飛馳塞上雲
千古月明清塚在盡師端木誤昭君

題寧鄉黃葆儀表姊茶香閣遺草

聞君梵語悟前身偶謫人間念七春
畢竟蓮花來接引上仙原不久紅塵

楊妃

結得同心誓願堅
馬嵬何竟誤嬋娟
君王蜀道車輪返
月影長生不再圓

異志胡兒久釀成
江山豈必美人傾
六軍盡乞紅顏死
敢向君王怨薄情

寺鐘

山空煙鎖樹蒼蒼
遠度鐘聲趁晚涼
梵宇不知何處是
亂敲客夢落禪房

于歸和外見贈元韻

小技雕蟲學豈真
殷勤深謝畫眉人
閨中伉儷詩中友
同是三生未了因

爐香如篆月成陰小摺花箋矢好音儂卻願君磨拜早十
聯詩向御屏吟

早涼

重簾不捲雨絲絲小院迎涼玉露遲何必西風桐葉落怯
秋病骨已先知

送外北上

一庭殘雪壓梅枝瘦影橫斜送客時今夜扁舟何處泊朔
風如箭雨如絲

奉答髻士陳伯母兼簡鐵株星楣兩姊

硯匣塵封久未開梅花岑寂伴耕台忽傳好句清如雪恰
遇香風入座來

丹青聊復寄閒身有筆難生腕底春深謝蘭閨添畫史編
名容附管夫人

錦字傳來百里遙阿咸况復錫瓊瑤自注兩姊俱有詩見贈白雲遮

斷山中屋流水桃花夢小橋自注聞母結茅而居桃花繞屋

秋雨

西風吹雨入層樓盡日疏簾不上鉤偏是芭蕉語幽憾誰
教桐葉早迎秋

外以 朝老報罷甫京寄呈三絕

蘇秦空費揣摩書驥足何緣老道途消受一官原不易底
因得失便歛歔

家徒壁立費支撐半累衰親半弟兄紙尾不言薪米事恐

劫遠係客中情

長安賣賦計如何堂上雙親鬢已皤
戀卻微名拋菽水問心應覺負慙多

山左謝孺人以七月二日殉節鷓鴣灘表舅氏黃虎
癡作詩徵和寄呈一絕

趙管相期並白頭誓同生死亦千秋
鷓鴣灘下無情水應化銀河渡女牛

水仙花

生就名花絕世姿黃金有屋倩扶持
微塵未許沾羅襪想見凌波悄步時

水閣風回翠袖寒鞦韆時覺珮珊珊
阿嬌原是傾城色莫

作羣芳一例看

春詞

碧桃花外春風低
碧桃花裏黃鶯曉
小立花陰看春色
落紅飛過綺窗西

曉煙籠住柳絲絲
十二闌干日影遲
春睡海棠驚夢覺
鵲哥簾外誦儂詩

飭風吹暖節清明
細雨初過卻又晴
垂髮小姑閒理綫
杏花風裏放風箏

七夕

生別曾無死別愁
仙家緣分獨千秋
若教人世能如此
情願深深拜女牛

沅湘耆舊集卷第一百九十一

新化鄧顯鶴湘臯編輯

長沙毛國翰青垣校訂

洛川女史石承楣 一百三十八首

承楣字湘雲湘潭人內閣中書洛川知縣養源女
同縣諸生袁士彪室而黼庭給事承藻之姊也有
繪水月軒詩鈔女史生長名家克嫺姆訓其讀呂
氏閨範詩自嘉言善行以及女道婦道母道各紀
以詩自敘謂幼侍洛川始學爲韻語迨遭大故隨
母氏及諸弟扶輿歸湘潭未久卽適袁氏朝夕修
婦道刻無暇晷此事遂廢已而兩女相繼入學因

舉平昔所聞見者一一訓迪中有呂氏閨範圖說
一書兒輩見之喜於展閱因迎其意爲之指陳原
委各系以詩欲兒女子於誦習之餘因詩以考事
因事以立範不啻與圖中諸賢日相晤對庶幾閨
門之道庸有裨乎其言如此蓋異乎尋常閨閣中
所爲詩也教其子獲瑛若瑛芳瑛萬瑛茂瑛五人
皆有聲庠序余遇芳瑛於昭潭出其詩求選爲採
錄一卷殿女士諸詩之後所以著閨誠也

讀呂新吾先生閨範題辭

聖治光昌雅化隆從來陰教重深宮江河日下波流極渺
渺狂瀾孰障東

先生學術本精純實政呻吟著述勤更爲閨門點數範六

經諸史百家文

自注是書凡四卷前一卷爲嘉言皆採六經及女誠女訓諸書爲之訓釋後三卷爲

善行分文子婦人母道各一卷其本事亦皆採自經史諸書

後先題贊畫形容

自注是書善行一門皆敘其本事繪圖上方其總目之前每類各題數語歲論

悉衷至當惟本事後論贊文頗淺易取易通俗故也善行嘉言觸目逢當日著書深

意在聖賢道不外中庸自注是書以善行別首開卷即引中庸

左圖右史妙雕刊畱與千秋作樣看欲識丹青摹繪意感

人差勝教人難

深文奧義煩音釋棘句鉤章費剷除

自注是書微引本事凡原文深奧者略有

更安得賞奇疑亦析世閒兒女盡知書

分門別類盡周詳

自注書中分類有不盡其人者如正母未嘗不公父母未嘗不仁亦各舉其偏

亡日

清江雜錄卷之十一

長以示華衣等榮懿行揚一節可稱猶著錄本來善善務

從長自注書中所採善行女道如齊宿瘤孤逐二女之自

死難呂氏贊謂亦嘗議及固自可取

自昔陰陽教化同編摩何止及深宮應知孝婦貞媛節即

是仁人志士衷

憂危竑議起妖書兩度頻防禍不虞畢竟苦心天亦鑒一

朝冤獄盡昭蘇自注按呂氏是書乃其為山西按察使時

賜卹貴妃妃重刻之坤無與也萬歷二十六年秋或撰是

書踐名曰憂危竑議匿其名盛傳京師謂坤書首載明德

馬后出宮人進位中宮意以指妃而妃之刊刻實藉此為

立已子之據其文託朱東吉為問答東吉者東朝也其名

憂危以坤曾有給事中戴士衡嘗糾坤全椒知縣樊玉衡

前糾貴妃疑出白二人手帝重諷二人而置妖言不問踰

五年續憂危竑議復出是時太子已立大學士朱廣得是

書以問書託鄭福成爲問答鄭福成者謂鄭之福王當成也大略言帝於東宮不得已而立他日必易其持用朱厭內閣者實寓更甚急久之義詞尤詭妄時皆謂之妖書帝大怒救端衣衛搜捕及郭正域沈鯉傳又按朱國祿湧幢小語曰史鄭貴妃傳及郭正域沈鯉傳又按朱國祿湧幢小語曰呂新吾司寇廉察山西纂閏範一書焦弱侯以使事至呂索序刊行弱侯亦取數部入京鄭貴妃之姪國泰乞取添入后妃一門而貴妃與焉衆大譁謂鄭氏著書弱侯交結爲序將有他志云云所紀與史小異然國祿與焦竑爲友目略刊本所記似得其真今世通行之本無鄭貴妃序當即坤之原書也

孝節貞賢本性真解從何處認迷津詩書未識猶如此愧然堂前問字人

嘉言

六經精液史膏腴薈萃何如四子書兩字聖賢垂訓切修齊原不外家居 四書

羲皇以後古文尊秦火焚餘此僅存萬古鴻濛初判後開
天一畫卽乾坤

六九爻分判吉凶循環天地數無窮筮龜盡屬陰陽畫豈
獨家人列卦中易

刪書斷自唐虞始釐降觀型有二妃此後色荒畱誥誠興
亡三代盡宮幃書

豈獨關雎譜樂章風詩十五半閨房卽論雅頌歌朝廟一
一鋪陳闢教良

諷詠誰能妙義探分明比興賦兼三由來王化閨門始聖
訓傳家祇二南詩

義倫盡俗牖偷二百年來孰隱憂事實臚陳三傳注素

王予奪卽春秋

春秋

夫婦人倫重典章百王制度自煌煌婚姻嫁娶尋常事嘉

禮儀文瑣屑詳

禮

秦漢而還著述多更生列傳創編摩百家勸善懲淫語都

爲閨門釀太和

古語

善行

女道

爲損庭槐國法伸君王一念便傷仁情殷救護詞肫摯愛
物何如更愛民

齊傷槐女

久遲津吏渡江迎無奈微醺待解醒幸有女兒能盪槳中

流齊聽棹歌聲

趙津女娼

身爲官婢願長甘伏闕陳書侃侃談但有緹縈能贖罪何

元月言言集

卷一

憂生女未生男齊大倉女

父屍安忍赴流波一任神濤吼怒鼉孝女豐碑誰寫就江

名終古屬曹娥曹娥救父

救護倉皇膽不驚傷心虎口盡殘生永甯鄉裏神祠在恍

惚輕軀跨背行盧氏代母

空拳搯頸計何憊况復咆哮視已耽須念救親情迫甚幸

而未死死應甘楊香扼虎

飲憾吞聲恥戴天復仇差可慰黃泉身雖未死心先死想

見都亭斫劍年趙娥刺讐

父與夫仇寸念知傭身早挾刺仇思從容祝髮供諸佛須

待羣梟首訖時謝娥教盜

聒南聲聲罵弗休父仇未復忍從仇堅貞骨節英雄膽未
斷人頭自斷頭

王女擊賊

西南鎖石授奇方爲祝平安氣已藏解得辦香祈禱意精
誠何止感枯桑

叔禱禱疾

焚香一辦告皇天日者云然豈竟然畢世長齋供繡佛蒼
蒼白髮幸延年

妙真祝壽

生來兒女待提携攜忍棄烏雛別乳羈知否龍鍾悲老太枯
楊此後更無梯

康氏乳弟

紛紛羣盜競如毛避地無方首自搔終古干戈離亂後紅

顏大半委蓬蒿

奉天二寶

一巢蜂起破城來死變何如濟變才骨肉已全甘委命至

今江水尙流哀詹女全親

婚姻猶待異時成冒爲循情便犯情怪絕老生何太忍未

容嘉耦保清貞倪女被刺

還鄉明月照歸程萬里征人一笑迎豈獨壯心輕烈士新

詩猶帶鼓鼙聲木蘭代成

獨卸行裝悵夕曛轟雷無計可驅蚊高郵一宿留佳話何

事拘儒辨露筋高郵死蛟

先人宦績水同清賻葬何勞賓佐迎五十萬錢都卻盡九

原廉吏尙留名季女卻錢

一顧何難抵萬金一言直可當良箴早知嫡庶分爭禍尸

陳猶存惜主心楚成鄭裔

漸臺一見進鍼砭數語能醫四始兼溯止夷光曾沼國前

將唐突笑無鹽

齊鍾離春

漫道牛鳴馬不磨須知異類有奇能千秋君相懸金鑑大

厦惟憑一柱承

齊孤逐女

家國深謀更望誰一聲長笑有餘悲隣姬不解先憂意知

我還教詠黍離

魯漆室女

丈夫意氣亦昂藏貧賤偏教富貴忘愧然鄙人胸次狹糴

匿先問女兒

自飽相夫妻

不因牀第定情癡沒齒終無反目時豈獨縉紳宜習禮家

人自古戒嚙嚙

呂範夫妻

善行

婦道

節儉能爲天下先粗衣糲食自恬然五王田實驕橫甚割

愛誰如太后賢

明德馬后

平生知禮別嫌疑開教森嚴母卽師解道人心分善惡盡

從勞逸判淫思

魯季敬姜

奇福初臨禍更奇從來尤物與人移如何爲子求嘉耦獨

有高堂老母知

晉羊叔姬

不受遺金冒受汚甘心勿頸爲全姑臨財臨難均無苟誰

是鬚眉大丈夫

樂羊子妻

老母猶存夫戍邊遺言未敢背黃泉當時一諾千金重九

死難消片念堅

陳寡孝姑

惆悵高年齒落時縱供甘旨計何施欲知孝養深微處乳

哺居然創法奇
唐氏乳姑

養體非難養志難閒邀隣媪共陪歡
滯泉躍鯉無端出可

是蒼蒼別眼看

龐氏感泉

姑老無依痛失明亡人恩誼矢他生
幸畱口舌爭功處

目驚看黑白瑩

俞新妻

割肉醫親行本奇聖賢原不強人爲
愚夫愚婦情真至卻

許羣倫自盡之

韓太初妻

劫父圖夫太狃強夫雖可保父先傷
朝來隱向樓頭臥一

死能將兩命償

京婦代夫

手抱嬰兒舊跡存此身雖死憾難吞
千秋鄉校遺甄在

血斑斑碧蘚痕

譚氏入甄

捐一人軀事等閒全他人節事尤難夫君有幸能同死烈婦忠臣兩不刊撤合輦妻

棄尸江上憾誰收妙算先操一葉舟幸得遺骸投瓦缶悠悠此去付中流趙運使妾

飲泣吞愁爲復仇此身甯爲綺羅畀事雖未克心先盡歌舞場中第一流善歌婦人

遠別嫌疑大義明更教刳剔自伸情先人家訓增光寵一代儒宗頌五更行義桓婆

黃口孤兒白髮親九原遺憾苦難伸須知割耳投棺後瞑目猶畱永訣人房氏截耳

僕僕風塵幼子俱茫茫旅館月輪孤白來授受嫌疑別牽

引何當一臂汚

李氏斷臂

伉直招尤禍必隨先幾猶讓婦人知倘教結託無良策遭
難誰憐伯氏兒

晉伯宗妻

誰道居官乞便休貪婪至竟敗從頭癡奴誤作貽謀計不
及深閨有遠憂

陶谷子妻

烈婦捐軀豈顧名私情公義甚分明英雄亦有昂藏氣爲
愛身家便愛生

蓋將妻

治弓雖正挽弓欲盛怒伊誰敢致辭幸得君王穿七札一
言竟可救夫危

晉弓工妻

碧欄齒齒獨當熊想見翩翩意氣雄妾自愛君人見妬誰
持史筆表孤忠

漢馮昭儀

遣使來迎待執符何曾生死計須臾漸臺終古畱遺跡恍
惚江濤白馬驅楚昭貞姜

夜色蒼茫遲待人微軀那惜燼紅塵縱教濟變無權術畢
竟能全守禮身宋恭伯姬

乘車底事坐輜輶面目終羞自露形不解佳人游覽處寒
帷一笑故娉婷齊孝孟姬

一修婦禮一迎賓脂粉鉛華盡化塵富貴可驕夫壻否兩
朝公主是天親信國公主

富貴生來謝綺羅課兒永夜事吟哦熊丸底用憂迎和積
學應知受苦多韓氏家法

雙雙睥子翦秋波脫佩遺簪意若何欲與君王消箇恨片

言從此靖干戈

齊桓衛姬

公子西行竟去秦遙遙匹馬走風塵妾身未往心偕往消
息誰爲漏洩人

晉閻懷羸

閨閣何嘗尙辨才但能免辱亦佳哉長官未識華腸狹猶
自揮鞭得得來

楚野辨女

紡績閨中燭影煌幸從東壁借餘光隣家一夜通明照何
惜金珠獨閉藏

齊女徐吾

有子何勞日挽弓爲羞女主耐長窮橋南別墅蕭條甚誰
識私親是相公

狄仁傑妓

紛紛羣蟻附廔時未識興衰轉眼移闌寺安能長富貴自
癡翻喜笑人癡

符承祖妓

鬢雲疊疊繞香裾
赫奕威靈願竟虛
裨將自憐空自獻將

軍曾讀聖賢書
余洪敬姜

避寵曾辭御輦同
願求賢士侍皇躬
趙家姊妹多相妬
自注

袁景文統扇秋風老漢宮
班氏嬋娟

六十人師老鬢華
往來宮禁靜無譁
婕妤詩賦大家史
間

閣才人萃一家
班氏惠姬

土木干戈力已殫
創垂基業溯艱難
才人一疏天顏喜
千

古猶稱女諫官
徐妃疏諫

一部周官指示詳
先生老去鬢蒼蒼
女中孔子名奚愧
百

二生員到講堂
秦宣文君

管子遺書著述多
牧民乘馬費編摩
如何博覽慚巾幗
不

解儵儵白水歌 管仲姜傭

善行 母道

三遷居室擇芳隣
斷杼停機勵苦辛
教子無如慈訓美
聖人猶賴況庸人 孟母三遷

及時歸省戒孤行
日暮初還子婦迎
早興家人籌醉飽
聖賢原祇近人情 魯國母師

持來節鉞遠從戎
甘苦原宜士卒同
解識閉門垂訓意
將軍專閫敢專功 楚子發母

教孝無他只教忠
欲求兩盡勢終窮
此身倘爲君王用
遑計門閭望眼空 王孫氏母

痛絕慈親背面時
平生方正復奚疑
斷慈切肉尋常事
小

者猶然大可知

陸續母

有子難求壽考終幸能李杜令名同千年懿範垂青史蘇

母曾規玉局翁

范滂母

諫草頻年向闕陳森森風骨敢批鱗翱翔殿上羣稱虎知
否誰爲乳虎人

劉安世母

平翻囚錄罪胥平膏雨隨車沛衆生黎庶不知慈母教初

將慈母頌神明

雋不疑母

蒼蒼天有好生心赤子何辜鍛鍊深酷吏從來無美報豈

徒屠伯奉官箴

嚴延年母

畫荻成形作字餘悠悠往事溯當初好將嚴訓爲慈訓畱

作他年治獄書

歐陽公母

奠雁初鳴奉命前家發尤賴相夫賢從知富貴驕人態強
半慈幃教未先

張婦戒驕

奉養誰如自奉強關心瓦釜饜膏粱何當其受夫人戒甘
旨惟供白髮嘗

魯氏戒食

有因祿養敗官箴見利長存顧義心前後徽光相掩映或
還魚鮮或還金

齊田稷母

此子羣推此母生良朋學問借陶成漫言截髮供穀饌僅
爲留賓博令名

晉陶侃母

爲子招賢布被寬學成何用泣貧寒他年祿養無嫌薄但
願清廉作好官

吳孟仁母

區區廩餼足供親作宦羞同作盜人欲聽遠來消息好祇

憂貧墨不憂貧

崔元明母

范滂被禍爲清談割愛何曾一死甘奚似鞭笞慈訓切謹言常復自圭

吳賀母

翩翩五馬坐安車未許張弓薄令譽借問古今賢太守有誰擊杖墜金魚

陳堯咨母

財非不義取何傷掩築無心拾孔方但勉諸孤謀學問本來銅臭遜書香

李景讓母

未曾姑息便稱慈督責須防悔後遲萬古不刊名論在母常敲過父馬知

二程母

肅承訓誨慎威儀性定無爲習俗移漫說晚成多大器陶鎔頌及少年時

呂榮公母

隊隊同行粲粲姿淫奔早已戒風詩男兒未解傾城禍欲
獻君王悔已遲

甯康公母

遇禍能除福自酬閨中片語解深憂存心豈獨埋蛇好世
事從來畏兩頭

孫叔敖母

未嘗圖始便圖終富貴雖奇過眼空努力男兒須量力不
將成敗論英雄

嬰母知廢

隆準能平楚漢爭封侯藉此奮功名妾身已死見奚戀一
任骷髏赴鼎烹

陵母知與

爲罹禍難倍傷情有子何分異母生恰似鴉鳩入吟詠淑
人儀一頌均平

芒卯之妻已下慈繼母

急難何嘗有弟兄况教彼此不同生祇緣素感慈親意抵

死猶然對待爭

親子代死

誤拾遺珠法偶

羅女心悲更母心悲司關亦解憐慈孝摺

筆停思淚并垂

珠崖爭死

藐藐諸姑日護持後恭前倨復何爲須知異母恩情厚頑

梗終無不化時

程文鉅妻

割戶分門薄所生喜看雁塔獨題名他年祿養迎親日困

厄依然濟兩兄

余楚妻

國破誰爲寄託人茫茫雙鬢老風塵傷心亂矢飛投後公

子前頭尙蔽身

魏節乳母已下慈乳母

換面裝頭紉子眠甘心割愛計求全匆匆禍起宮闈口公

子唯聞歲保憐

忠孝義保

每將溫語諫雙親井廩餘生待救頻一室頑囂兼傲狠不
圖恩愛有斯人虞帝妹已下姊妹之道

攜將子女共登臺衰經相從待委灰入骨恩情兄弟重忍
看蒙首獻俘來穆姬救晉

攜一兒還抱一兒一兒轉抱一兒隨若非大將追詢及妾
與兄兒定判誰

區區巾幗猶行義士大夫賢更可知兩國干戈方擾擾竟
緣匹婦息戎師魯義姑姊

報仇容易避仇難抉目屠腸痛自殘不忍弟兄因已滅舍
身長往竟之韓聶政姊

天原可事仇難事兄不能生妾忍生未敢殺夫蒙不義僅

將一死報吾兄

季宗妹

太息先公一脈傾藐孤六尺託門生九原抱憾冤誰雪閨

閣偏教禍福明

文姬保弟

列傳詳明善行覲策安社稷靖干戈卽論姊妹周旋處救

難推恩已足多

和政公主

讀罷螟蛉式穀詩傷心伯道已無兒他時弄叶熊羆夢竟

許分爲棣萼枝

章嫂讓兒已下姒姊之道

一從祥女入門迎妯娌同消語諄聲悟到猜嫌生妬忌實

躬須厚責人輕

少姊化姨

空空宦橐自蕭然有祿何須郭外田縱使友于畱夙願惜

裏端賴相夫賢

王木叔妻

乳哺雖艱片念真及時
具倍鮮新休疑愛女情
差薄爲念姑原失恃人
歐陽賢嫂已下姑嫂之道

高堂別後耐酸辛
家漸豐饒妹漸貧
一意解推無吝色
堂前瑞合譽斯人
陳氏堂前

代展愁眉忍撲鞭
小姑愛護始終全
焦頭爛額兒瀕死
強作歡顏笑語便
鄒娛引過

對菲誰知體弗遺
飛飛燕羽最差池
不忘舊寵希新寵
千古賢明祇趙姬

賤妾惟思固寵恩
幸教夫壻宴新昏
分明嫡庶甘卑下
僭體何如守禮尊
晉趙衰妻已下嫡妾之道

內外分居祇自憐
深宮寂寂盡餘年
不因小貴移初節
嫡

婦雖賢妾更賢衛宗二順

自古陰柔性不移縱逢扁鵲如難醫賢媛獨畏專房寵學

禮何人奉女師宋鮑女宗

誤國庸臣諫草稀幸傳溫語出宮闈美人易進賢難進上

下欺蒙罪有歸楚莊樊姬

白刃遙臨計已窮耕臺依舊理飛蓬當時青眼垂憐處畢

竟能回悍婦衷蜀主女即李勢妹

一門殉難了孤遺忠節何辜值亂離欲識苦心蓮子在茫

茫荻港哺兒時

一點漁燈渡蘆月明江上痛嗟烏天公也惜將軍種特

遣孤兒到帝都孫氏全孤

欲語狐淫母命傷欲施醜毒父恩忘片時委曲求生苦杯
酒當頭覆亦僵

忍受鞭笞不忍聲能全忠義復全貞如何結髮恩和忘不
及蓬頭侍媵情

周主忠婢已下婢子之道

漫言參養主恩深奉帚相從辱不禁一死誰甘遂瞑日臨
危始見救危心

翟青代死

迦涓耆舊集卷第一百九十一終

沅湘耆舊集卷第百九十二

新化鄧顯鶴湘臯編輯

長沙毛國翰青垣校訂

方外

圓觀大師 二十四首

大師字圓觀里居佚卓錫邵陽五臺山寶慶副將
維揚陳祥有請圓公再住大悲林敬殆亦破門一
念之流有託而逃者也有谷聲集耑公法嗣世藏
之集中與車孝思鄧子與鄒良崖王稚潛王山長
諸老倡和甚富閒附杼原作多不見本集鹿巖袖
石兩先生詩尤僅見隻字皆可寶貴因並錄之

送劉象翁還梅谷用原韻

燒肉慚先哲喜君夙慧深
文殘秦鬼泣囊滿故山陰
霞色兼雲靜溪聲帶月吟
前途知有舊莫負懷儂琴

答車孝思先生

自注先生別號禪隱有貝葉集行世

千華臺上白霜豪
照水分明影不逃
禪隱能令龍望氣
集翻多見麈爲毛
離香彭澤三秋菊
賦滿錢塘八月濤
自是昆婆尋舊約
同聲風雨不辭招

附孝思先生作惟心那復隔秋豪拄杖臨門未可逃
似我無錚堪卓地知君有劍足吹毛
幾看獅子峯頭月又聽松風夜底濤
往往復一月潭不繫吳須岸上手頻招

懷良崖鄒孝廉

思君又見一秋殘
風雨淒其穩閉關
贈句如金來祕閣
飛

書得雁護雲閒思從杖履心如結氣引煙蘿夢不閑寄語
枕流還漱石我心蚤已託潺湲

王山長孝廉過訪刻韻

湘雲落處見揮豪逸少騷才續大招忽聽履聲花出定久
看沙路月飛濤禪通豎指林閒頌識辨長鳧水上毛搜到
荒巖枯石裏寒山有句不能逃

附山長詩山城百里見纖豪問渡攜筇不待招村
市峯環雲遶屋澄江水落石生蒿偶畱蹤跡如鴻
爪焉有機鋒落布毛莫向六
亭詢去住重來張鵬竹中逃

春日車香函先生偕夫彝謝廣文都梁金明經過訪

限壁閒韻

春雨山山長綠被一船返照載煙歸到門不厭尋僧住燒

肉還慙餉客飢險韻思開童子偈柔風吹動水田衣與君
共看江頭樹雖有花開香尙微

送南雲和尚

拄杖挑來爲我留青州破襖任颼颼定中曾亦聞花語醉
後何妨打佛頭六詔雲深封舊屋一峯雁轉聽芳洲開堂
不放黃能釣壁立家風敢亂投

十一月廿五日稗潛王孝廉相約不至

經年離索獨翱翔忽報客星過草堂倩侍紅煨几上鼎呼
童淨埽坡前榻滿堆黃葉伴爐火多引白雲護客房薄暮
猶瞻車未至今宵想已宿雷陽

秋日友人過訪

秋雨濛濛帶暮愁，忽逢好友放雙眸。
歌空有字花分韻，彈到無絃鳥解憂。
俠氣不堪陳往事，剛腸且自附浮漚。
搖搖世務知何定，昨日江流今復洲。

次韻答唐袖石明經并寄澹山劉公

萍蹤偶寄北江隈，安記暑歸秋復來。
月照幽林識舊面，花開曲徑晤新裁。
藻思我自映冰井，鶴影朋如集翠苔。
切外僊姿喜共賞，心心何事感離回。

附袖石先生作一舟如棹法堂隈坐斷枯冰暑不
來獅窟舊謀靈樹面鵲衣新寄大梅裁花皆索笑
尋秋暗葉欲憐颯點碧苔且喜靈瓜分佛種巧
離多劫昨宵同時秋海棠盛開翌日復送瓜

示李子和

縮首茅廬已數秋，忽聞高屐遠來遊。
一簾明月留雲宿，兩

礪清溪破石流嶺畔狂獺爭獻技
枝頭野鶴疊添籌臨歧
偶索老僧語話到臨歧意更悠

山居與唐欽子閒坐

尋得花源草結廬山家活計殆何如
荷衣破盡呼雲補松影
莎時倩月鋤莫惜一筇尋怪石
還將寸晷讀殘書知君
自有繁華夢且共深林半日餘

過唐鎮將署中晤車孝翁畱集有詠

身逐華筵得未曾爲瞻細柳見丰稜
忽來彭澤知元亮何
異蘇門嘯阮登傳伐豈惟榮出將
澹懷真復學閒僧前旌
帳指臯蘭路方外鍾情感倍勝

附孝翁作春草深檐綠滿曾翻於長揖見瓜陵早
知燕鵲飛而食有信龍門士亦登一座四方

友筑猪買酒試高僧卽廚向
許重來過纔說維駒思不勝

午日同鄧先生坐雨有感

勝話難傳楚澤吟江潭風雨但相尋
鼓聲競處誰爲擊雲影浮時客自侵
草榻遙懸山舍穩短歌漫寄古人心
無聊莫謂愁無極刻韻敲推意覺深

附子與先生和作何人抱膝發高吟
勝事於今不可尋怨入屈騷雲亦變
情傷曹哭雨來侵蒲香浪惹中天意
綵色空驚五日心幸和遠公江上韻
珠林無暑坐松深

午日次子與先生韻

閒倚蘿窗日未斜就中景物不容遮
觀來山色歌新調聽罷溪聲詠落花
夢筆知君增藻思裁雲贈我補袈裟
相逢不覺天中節漫品盧仝七椀茶

附子與先生夫樊山中寄懷詩原作嘖笏洲前雁
字斜笑蓉嶺上白雲遮情依邵水聞鐘磬夢遶香
山看雨花飄笠可宏人世界聖書將秀佛
袈裟松廊記得敲明月一首詩成一碗茶

溪漲

已見寒溪漲愁聞暴雨聲看人泛小艇我自坐花棚

答唐欽子明經來韻

自注時矣卯冬盡說
法于紫陽五龍山

何山不可建華幢笑指空中鶴影雙夕度不須尋別諦藤

離新月映千江

附欽子詩五龍移得上方幢引起遊人屐
一雙春色漸隨花雨放寒雲空鎖舊時江

濱江四儀

無事閑來江上行依依鷗鷺自忘情幾回隔岸空招手遙
憶千峯樹栗橫

未有常行不住時偶從江北說樓遲門開一派清流遠香

送千林花雨奇

住

虛廊夜月坐忘歸笑看流螢隊隊飛入草穿林爭自照那
知大地最光輝

坐

石上松閒足放眼白雲如蓋葉如氍毹鳥嘯花落渾閒事一

枕羲皇太古先

臥

示鐵山住庵

腰包放下學居山萬仞峯頭卜一關佛祖位中留不住等
閒嘯看白雲還

香山

坐斷羣峯最上層日看花笑與猿騰白雲影裏半閒屋萬

何崖前一箇僧

自述

幾載孤峯白髮生客來了不會逢迎入門若問庵中主七尺烏藤兩目瞠

自讚

耳冷心灰百不聞應緣偶現比丘身翛然獨坐蒼松下不道曹溪第幾人

芥庵尊宿琛大十二首

琛大字芥庵湘潭李氏子有半山集曾刑部世琮耕雪堂集有送芥庵尊宿之白下詩序云芥庵湘中華族喪亂逃禪遂遁于劫數十年間往來吳楚

城郭人民之歎屢矣云云蓋亦前朝遺老有託而
逃者惜不得其本姓

送澤瞿之燕

三月逢君南七月送君北相見日無多相別愁何極臨行
索我詩一字一太息男兒志四方窮交畱不得寒沙萬里
遙誰爲念衣食片帆滯黃河天上看秋色

與初明調王步月松下遲張南村不至

秋高天宇淨山寺羣籟空東臯月初上寒光樹杪通時有
黃葉墮砌冷聞百蟲二妙夜相訪高懷誰與同我思南村
人得句雁聲中河漢皎如雪悵望翻朦朧孤磬開疏煙殿
閣度微風共步松影閒衣襟沾露叢

早春余鴻客諸君過訪畱宿山房期葉桐初遶用杜

陵秋野韻

自注鴻客閩人
桐初崑山人

暖氣占花候晴光漾太虛煙中尋佛寺麥裏過殘墟人語
穿山響春蔬帶月鋤桐君期不至遲爾共觀魚

好友來山寺烹茶火正紅鄰雞棲落日牧馬動悲風春色
渾無賴歌聲趣不同淹畱詩興在襪被梵王宮

有雨鳩呼婦無人鹿叫羣寺深高堞見山靜遠鐘聞衆壑
消殘雪孤城散暮雲正憐戎馬急蕩子又從軍

舟行聞杜鵑

怪爾曾亡國憐予已喪家不堪曉月夜最苦聽天涯雨暗
魂迷野春深淚染花孤舟江岸闊莫厭道途賒

蝶庵道舊至

別君經五載長憾夢空懸風雨來何處雲山路幾千杖添
新竹瘦衣老舊荷穿能事今猶昔吟多不廢禪

山居雜興

極目楚天闊羣峯當戶幽猿嘯終日雨樹老隔年秋契達
皆陳迹繁華盡古邱自應遺世客獨立望滄洲

青園坐雨同初明尊五賦得青字

寒蟲忽不語簷響到空庭畱客添衣坐焚香雜梵聽疏鐘
出雲塢小島下花屏亭午開軒望鍾山分外青

春日長干雜興

漠漠殘香風雨催尋幽出郭上高臺山花欲逐遊人落潮

水還隨返照來獨坐層巒看遠岫偶過古寺踏新苔難辭
社燕頻相顧雲鎖千峯門又閉

丙辰九日書懷

鄉書欲達苦無由一割鴻溝兩地愁九日臨高徒極目廿
年瀕海只孤舟砌蟲入戶先知冷社燕翻空尙戀秋看罷
茱萸傷晚景邇來衰病怯登樓

竹下彈琴

修竹竿竿帶淚斑鷓鴣春雨叫空山琴中莫譜湘妃怨爲
有長沙客未還

棲霞大師興源 六首

興源字起雲湘鄉人卓錫江寧棲霞山稱棲霞大

師有旃檀閣稿

余遨遊方外三十餘載自以煙水中人無益於時
庚申仲夏此公來山談邑中事問宗黨兄弟多有在者
今歸湘上感而賦此

江漢橫流日家園遂久違還鄉空有夢往事已全非
湘水波光遠衡峯雁影稀因循三十載華髮老京畿

夜披萬聖庵遇雨

自注卽潯王妃墓

浮雲籠月黑深夜叩松關夢鶴依庭宿疏鐙照戶閒
亭臺盈碧草泉石冷紅顏一雨驅殘暑谿聲枕畔還

遊九疊谷

鳥道蟠天際紆迴不易尋泉聲隨樹轉石壁傍雲深
夢洞

藏幽跡仙禽送好音巖前詢老衲遙指最高岑

送雪參禪友歸衡山

南嶽奇峯七十二古今獨仰祝融尊此回赤手開雲徑直
向青天弄月痕芋火巖高峯未墜石頭路滑道斯存君當
拂座爲余待共看紅輪破大昏

中嶽

玉檢金書不可尋英雄想見武皇心翠華渺渺今何處蒼
樹森森畫欲陰千古山河稱鞏洛萬邦俎豆祝嵩林暮聞
鶴唳懸空下知是中天第幾岑

西湖懷古

蘭橈畫舫泛清煙憶別西泠四十年尙見斷橋存柳翠難

從浩劫問桑田孤山鵲去笙歌歇萬馬風嘶鼓角傳莫向
錢塘尋舊俗兒童學語近并燕

釋阿諾文惺 三首

文惺字阿諾湘潭周氏子祝髮清涼寺初不曉文
字一旦豁悟工詩文妙精釋典開堂南嶽曉霞峯
旣至嶽麓寺箋法華經一部著仙遊記有詩集康
熙初湘中名流多尊奉之故其時阿公之名最著
張南麓集中有阿公欲建少陵草堂於嶽麓詩其
維持風雅蓋如此

登祝融峯

衡峯七十二祝融獨矗立勢令五峯尊去天豈云尺我來

秋色深萬壑風霜瑟磴道盤杳冥怪石礙白日亂山夾湘
水帆影浮曲直蒼松摩流雲古藤挂空碧絕頂湧清泉甘
冽類羣液狂叫興未闌等 公下峭壁

卜築秋葉石

我昔遊衡嶽古洞依老宿得句尋秋葉

自注秋葉石在毘盧洞合瀾橋下

休夏廣濟常遊於此

亦思縛茅屋陸公遊興高振筆泉萬斛溪漲紅

葉浮石裏蒼苔腹春老不菱凋秋深仍榮綠急峽落長虹
煙翠藹幽竹山靈固多情野客欲卜築不用買山錢自得
友麋鹿知我來麓峯示以白雲曲字字貫珠璣新聲響山
谷何日復同遊笑探南山菊

題寶鼎兄牧童騎牛圖

倒騎黃犢出林泉
簑笠安排漏雨煙
長日一聲風月靜
綠陰深處好安眠

釋最嬾知根

九首

知根字最嬾號三善鄉

子年十八棄舉業

爲浮屠有禪餘別集聽溪吟
南詢外草思親獨悲吟
悔遊諸集

負笈思親

五月連宵雨天涯獨倚闌
兩親三楚遠十載片心寒
落木何堪聽飛雲不忍看
孤鳥嘯最切悽惻夢頻殘

又看芳草綠鄉國路三千
人代知今日山川似昔年
曉風寒食候暮雨落花天
徙倚危樓上前響杜鵑

懷同懷相兄開弟

共被思疇昔於今十載無鵲橋天外古荆樹望中枯多難
誰相顧浮蹤各遠途虛將鮮淚洒臨一林鳥

遊雁蕩山看龍湫題壁

龍湫深莫測碧水映天空挂壁春苔綠依巖秋葉紅錫飛
青嶂外僧老白雲中萬里人來此歸期間塞鴻

重登天台華頂峯結茅後寺

老矣依山寺身閒步石臺危峯扶杖去古洞逐雲開翠合
千溪柳香深二月梅興亡猶在眼碑字蝕莓苔

經陶侃釣魚處

一自垂竿釣千秋名獨標尙餘鱗

空歎昔人遙白首

磯頭仙丹楓雨後飄遺蹤有斷碣吟眺更蕭條

雲峯相尙邪望居士遊浣紗

響屨知何處空來問浣紗微雲籠野色細路入村家落葉埋遺碣
時調長山秋一片弔古動咨嗟

住江洩

口日看山好頻來步玉川鳥驚雙徑濕漁飽一溪煙翠壁雲常斷陰巖月自懸春風差得意七十二峯妍

望別峯待者還山

巾瓶離別久豈不念艱辛暗壑猶藏臘寒巖豈受春關山何處雁風雪未歸人誰埽松閒逕柴門虎跡新

釋放嬰德惺

六首

德惺字解斯號航山一號放叟攸人本姓陳字盧
郎爲邑文學中年逃禪有木石音衡嶽吟等詩

苦鳩行

天將雨兮鳩逐婦羽禽亦有唯別苦謂不收聲莫亂號免
得別時怨風雨風雨果關爾別離歡聚只以晴爲期晴日
苦少雨苦多鳩兮鳩兮奈若何

過照瓦

晴光深翠裏一逕涿池開林樹從新補精廬非舊裁背江
峯竄入隔水竹青來跌坐話茶處牆邊尙白梅

新秋客中

夏一
氣節候萬物不能私廬靜蟲草夜山秋蟬獨知寒暑

光未厚獨樹葉初辭聽到竹

寸思

上巳九鶴邀集楞嚴寺

山寺春晴裏到門花鳥兼主

長依石桃枝近俯簷

自注窗有藤桃

暮秋訪古燦禪師

寂寂無人秋葉屯一林真可

白紙窗依樹書分綠翠

竹搖天客到門話入清機知

坐來閒况衲瓢尊不須

市腐營香積便摘園蔬佐晚

茅坪

星星細雨暗山川強越重岑

冷天樹影深迷歇岸路犬

聲狂吹隔林煙寒花冷落眠

亂鳴半響石泉一屋

庸僧頻粥飯
人憫悵梵王

釋且拙淨訥

十四首

淨訥字且拙
邑里未詳

或曰安仁人
湖南通志作

安仁王氏子
初參無學次參端白卓錫常寧邑東

名其山曰大義
因自號曰義山與常寧令張鹿牀

爲方外交
偕和成帙曰谷音集其徒緒庵又輯義

山倡和集
鹿牀嘗爲之序稱其爲唐以來詩僧所

僅見嘗刊法華楞嚴
諸經著原宗辨謬

登祝融峯

輕衣橫掠萬山煙
直上孤峯好問天石屋寬於塵世界金

人疑是活神仙
拂碑浩氣凌千古振錫長空落半邊七十

二巖齊拜首高僧出定在何年

和鹿牀明府入山見訪

十笏草堂綠樹西瓦鐙竹飭不堪題蒙頭破衲灰三斗
飢寒泉月半溪客到不須鐙借坐雲還依舊石畱梯同遊
二老今辭去未識先生肯其端

按翻志作知續訪而倡和集爲且公之作集本知
續所定則非續作明矣但首句少異云結箇茆蓬
戶對西

次韻答鹿牀

借得空王半炬鐙年來消息弗堪乘頭邊鬢瘦因霜減
腳下鞵寬爲樣增按月到堂搖翠竹迎風入戶弄枯藤
蕭辰天瑞從空布利海重重玉露蒸

酬鹿牀別後見寄

山中薄暮日孤圓歸路遲遲
軋響泉密室還疑行腳處高
標長在枕頭邊地爐助煖燒黃葉野鳥銜香襯白毡別後
知君多長益幾番拭眼看瑤篇

同鹿牀南軒夜話

紅葉隨聲欲墮盤帶來寒韻入詩端已知老樹雲藏密更
問新葵日放殘雨過江邨謠舞滑風回巷陌酒旗寬南軒
信宿忘今昔化盡胸中石幾丸

鹿牀北還寄詩次韻奉酬

草草百年又一年雞皮鶴髮已頽然華鯨喚醒長更夢梵
夾聲清伏暑天萬頃無邊開砌下雙丸何事走橋前卻今

成道便成道莫待來朝更學禪

答鹿牀次原韻

見說休官猶作客定知風味是高僧時翻貝葉經千偈月
費巾箱藥幾楞義廩義樽君有詠

白注翁有義廩義樽詩

法輪法鼓

我無能靈山一念非今古千載標名最上層

次韻寄熊峽樊緩山

幻海從教苦自煎長安風月不同天放牛野叟耕青嶂騎
鶴仙童種石田閒撥亂雲隨屋轉漫分流水把山牽有人
問我西來意笑指千峯湧白蓮

山中漫吟

野花破石生香草綠溪長我從山外來細聽落花響

題白衣庵

殘冬踏雪到宜陽
紫竹林中晚飯香
滿鉢盛來同一色
大千沙界盡充腸

新茶寄澹翁

曳杖凌寒出嶺頭
白雲深處暗香浮
雨前一滴真消息
靜夜松風瀉未休

山齋閒吟

山齋殊覺日遲遲
夢入金沙菡萏池
彈指一聲開睡眼
黃花含笑已多時

孟夏送鹿牀北上

七載神交杖上丹
一期良遇杖頭風
偶來江畔牽舟送
笑

指扶桑日正東

佛俗日懷澹翁

山中佛事城中月底事分明世莫窮記得澹翁前歲句藏
經樓下一鐙紅

釋遠林一首

遠林字毓旨居常寧數載亦義山之徒也

山中呈且拙

香積時供筍與蒲廬陵米價也知無義山一日開田後乞
食於今添老夫

釋本雲二首

本雲字放庵長沙人

送澤瞿兄之滇南

海國多禪宿奇君作遠行千山紅葉晚一笠白雲晴道自殊方重閒從客趣生滇南鴻雁少誰與慰離情

鄰虛閣

元談虛閣嘯秋清勢接浮雲傍斗橫塞雁歸時人正倚江霞落處雨初晴寒催四野砧先動夜逼千家鐙漸明此際機忘羣籟息遙天月上又鐘聲

釋常默 三首

常默字槎庵嘗從郭些公遊有花裏過唱和詩鈔些公序云貧病交攻筆墨鮮理庚子秋仲槎庵過訪偶拈近體唱和成帙題曰花裏過摘補山堂聯

一葉不黏花裏過之句也茲錄其梅花詩三首以志其概

梅花

羣玉枝頭顫一班欺他媚鳳染鄉媛元黃剝盡天心出風
雪歸來太古閑畫去不知煙可樹夢逢惟識
山美人
高士今何許獨寤支離笑此閒

頻將洗伐領蒼昆毛髓焉知綠錦溫樹禿空檐迷蝶檄春
芽窟寶蟄驚魂辛沙苦石何人驛腐地酸天可一屯摩到
大癡皴墨處水西亭子憶黃昏

化機纖澀弄夷猶醞釀枯僧髮白頭不遣桃花忘晉魏姑
憑野史訂春秋冰牀人臥癡千點凍穴天團瘦一簞下蔡

陽城都欲死看他驢子笑披裘

沅湘耆舊

卷第一百九十二終